

E necesidad pa un futuro agrícola sostenibel

AGRICULTURA na Aruba ta luchando cu retonan serio, mientras cu sectornan tradicional manera agricultura, piscamento, y criansa di bestia ta sigui disminui. Mientras cu e supuesto esfuersonan di e minister, manera planta algun mata na scol y establece 'greenhousenan' chikito pa studiantenan, ta wordo aplaudi como gestonan noble, nan no ta nada mas cu actonan superficial.

E iniciativanan simbolico aki apenas ta mishi cu e superficie di e reformanan grandi necesario pa revitalisa nos sector agrícola y cumpli cu e Metanan di Desaroyo Sostenibel (SDGs). Ta casi manera e accionnan menor aki ta wordo spera pa magicamente resolve problemanan profundo sin ningun inversion real of planificacion strategico.

Historicamente, LVV (Landbouw, Veeteelt en Visserij) na Aruba tabata destina pa ta un facilidad di investigacion innovativo. E tabata visualisa como un centro pa analisa muestranan di awa y tera y sirbi como un think tank pa desaroya strategianan y manehonan di nivel halto pa e sector agrícola. Sinembargo, a lo largo di e añanan, LVV a evolucionar den un departamento di servicio basa na Santarosa, enfocando principalmente riba brinda guia na cunukeronan y mehora genetica di bestia. E cambio aki a redirigi e rol



di LVV for di desaroyo a largo plaso pa sosten inmediato, neglizando e inversion mas amplio necesario den e sector primario crucial pa avance agrícola.

Pa adresa e retonan aki, nos mester revitalisa LVV pa enfoca riba investigacion y inovacion den tecnologia y practicanan agrícola. Establece un facilidad di investigacion dedica cu laboratorionan avansa y think tanknan lo permiti e desaroyo di strategianan y manehonan di nivel halto. E enfoka aki lo yuda impulsa e sector dilanti door di integra tecnologianan moderno y fomenta inovacion.

Simultaneamente, Santarosa mester sigui promove agricultura door di crea un cuadro comprensivo pa e futuro. Esaki ta implica integra tecnologianan avansa cu investigacion y desaroyo pa sigura cu e sector agrícola ta keda sostenibel y adaptabel. Door di fomenta avancen y enfoca riba tanto necesidadnan inmediato como a largo plaso, nos por mehora productividad y prepara e sector agrícola di Aruba pa enfrente retonan futuro efectivamente.

Den conclusion, revitalisa e sector agrícola di Aruba ta rekeri un cambio strategico for di su estado fragmenta actual pa un enfoka mas cohesivo y enfoca riba investigacion.

E gap entre promocion politico di e sector primario y e falta di inversion ta mina posibel mehoracionnan. Door di reimagina nos strategianan agrícola y inverti den investigacion y inovacion, nos por construi un sector sostenibel y prospero cu ta cumpli cu e necesidadnan di nos comunidad y ta alinea cu metanan di sostenibilidad global.

ARUBA PORTS AUTHORITY NV
ORANJESTAD + BARCADERA

we are
[Looking for]
candidates for the positions of:

Safety Coordinator & Port Liaison

The Safety Coordinator & Port Liaison is responsible for the operational port compliance of APA and makes a general contribution to the organizational objectives, and also manages the relationship between the Port Authority and local and international authorities and related organizations.

For more information visit www.arubaports.com